



**ՀԱՐԿԱԴԻՐ ԿԱՏԱՐՈՒՄՆ ԱՊԱՀՈՎՈՂ ԾԱՌԱՅՈՒԹՅՈՒՆ
ԵՐԵՎԱՆ ՔԱՂԱՔԻ ՊԵՏԱԿԱՆ ԲՅՈՒՋԵԻ ՕԳՏԻՆ ԲՈՆԱԳԱՆՁՈՒՄՆԵՐԻ ԲԱԺԻՆ**

N Ֆե 922/11
29/04/2022թ.

0078, Երևան, Հալաբյան 41/ա
Հեռ. /060/ 713-488

ՀՀ Գլխավոր դատախազությանը
/ք. Երևան, Վ. Սարգսյան 5/

Վարդան Հարությունյանին
/գրանցման հասցե՝ ք. Երևան, Կարմիր բլուր փող. 110/1 տուն/

Ուղարկում եմ Հարկադիր կատարումն ապահովող ծառայության Երևան քաղաքի պետական բյուջեի օգտին բռնագանձումների բաժնի պետի տեղակալ՝ արդարադատության փոխգնդապետ Արման Սարգսյանի կողմից կայացված «Արգելադրված գույքը հարկադիր էլեկտրոնային աճուրդով իրացնելու մասին» որոշումը:

Առդիր՝ «3» թերթ:

Բաժնի պետ,
Արդարադատության գնդապետ՝
Կատարող՝ Արման Սարգսյան
Երևան քաղաքի Պետական բյուջեի օգտին
բռնագանձումների բաժին
Հեռ. 060-71-34-88
կ/վ թիվ 08528677

Դավիթ Պողոսյան

«Արգելադրված գույքը հարկադիր էլեկտրոնային աճուրդով իրացնելու մասին»

29.04.2022թ.

ք. Երևան

Հարկադիր կատարումն ապահովող ծառայության Երևան քաղաքի պետական բյուջեի օգտին բռնագանձումների բաժնի պետի տեղակալ՝ արդարադատության փոխգնդապետ Արման Սարգսյանս, ուսումնասիրելով 11.01.2022թ. հարուցված թիվ 08528677 կատարողական վարույթի նյութերը՝

Պ Ա Ր Զ Ե Ց Ի

Երևան քաղաքի առաջին աստիճանի ընդհանուր իրավասության դատարանի կողմից 10.01.2022թ. տրված թիվ ԵԴ/1004/01/19 կատարողական թերթի համաձայն պետք է. Դատավճռի օրինական ուժի մեջ մտնելուց հետո, նախաքննության մարմնի՝ 2019թ. սեպտեմբերի 24-ի որոշմամբ իրեղեն ապացույց ճանաչված «Երևանի ֆրեզերային» հաստոցը բռնագրավել հոգուր Հայաստանի Հանրապետության՝ այն հանձնելով Հայաստանի Հանրապետության արդարադատության նախարարության դատական ակտերի հարկադիր կատարումն ապահովող ծառայությանը՝ «Հրապարակային սակարկությունների մասին» Հայաստանի Հանրապետության օրենքով սահմանված կարգով իրացնելու համար:

Կատարողական գործողությունների արդյունքում որոշում է կայացվել փորձագետ նշանակելու մասին, որի կատարումը հանձնարարվել էր «Էքսպերտ Պրոֆ Գրուպ փորձաքննությունների և գնահատման կենտրոն» ՍՊ ընկերությանը: Վերը նշված ընկերության կողմից 28.04.2022թ. Ծառայություն է մուտքագրվել գույքի գնահատման հաշվետվությունը, առ այն, որ «Երևանի ֆրեզերային» հաստոցի շուկայական արժեքը 19.04.2022թ. դրությամբ կկազմի 320.000 ՀՀ դրամ:

«Երևանի ֆրեզերային» հաստոցը ի պահ է հանձնված պարտապանի որդուն և գտնվում է պարտապանի գրանցման հասցեում՝ ք. Երևան, Կարմիր բլուր փողոց 110/1 տուն:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28, 28.1 և 43 հոդվածներով և «Հրապարակային սակարկությունների մասին» ՀՀ օրենքի 35.1-35.4 հոդվածներով՝



Ո Ր Ո Շ Ե Ց Ի

Իրեղեն ապացույց ճանաչված «Երևանի ֆրեզերային» հասարոցը.

Հ/Հ	Լոտի անվանումը, նկարագիր	Գնահատման գինը	Մեկնարկային գինը (75%)	Գույքի քանակը
1.	«Երևանի ֆրեզերային» հասարոց Մոդելը-615Ո, Համարը-ՈԻԲ 1320, Արտադրման տարեթիվը- 1977թ., Արտաքին տեսքը- Միջին, Սարքավորման տեսի. վիճակը-Բավարար, Հասարոցի ուղղորդները մասնակի մաշվածության:	320.000 ՀՀ դրամ	240.000 ՀՀ դրամ	1 հատ

ներկայացնել հարկադիր էլեկտրոնային աճուրդի, էլեկտրոնային համակարգի կիրառմամբ՝
հարկադիր կատարումն ապահովող ծառայության աճուրդի էլեկտրոնային կայքի՝
<https://harkadir.ajurd.am> միջոցով:

Հարկադիր էլեկտրոնային աճուրդի սկիզբ սահմանել՝ 17.06.2022թ.

Որոշման պատճենն ուղարկել կողմերին:

Որոշումը կարող է բողոքարկվել վերադասության կարգով՝ որոշումն ուժի մեջ մտնելու
օրվանից երկամսյա ժամկետում կամ վարչական դատարան՝ օրենքով սահմանված
ժամկետներում:

«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ
մասի համաձայն հարկադիր կատարողի որոշման բողոքարկումը չի կասեցնում
կատարողական գործողությունները, բացառությամբ օրենքով սահմանված դեպքերի:

**Բաժնի պետի տեղակալ՝
Արդարադատության փոխգնդապետ**



Արման Սարգսյան

ԾԱՆՈԹՈՒԹՅՈՒՆ՝ Յուրաքանչյուր լուրի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լուրի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում զեպեղվում է կրկնակի հարկադիր էլեկտրոնային աճուրդի դրված լուրի մասին ծանուցումը:

Եթե աճուրդը չի կայացել գնորդ չլինելու կամ լուրի մեկնարկային գնի հավելում չկատարվելու հիմքերով, ապա հաջորդ հարկադիր աճուրդ կազմակերպելուց վաճառվող լուրի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով:

Եթե աճուրդը չի կայացել գնորդի կողմից լուրի գնման գինը սահմանված ժամկետում չվճարելու կամ առավաճառքի պայմանագիրը չստորագրելու հիմքերով, ապա լուրի մեկնարկային գնի իջեցում տեղի չի ունենում:

Տասնհինգերորդ հարկադիր աճուրդը չկայանալու դեպքում հաջորդ աճուրդներում լուրի մեկնարկային գինը չի իջեցվում: Տասնհինգերորդ հարկադիր աճուրդը չկայանալու դեպքում հարկադիր աճուրդի է ներկայացվում նաև պարտապանին պատկանող՝ օրենքով սահմանված նույն հերթում ներառված այլ գույք, իսկ նույն հերթում ներառված գույքերի անբավարարության դեպքում՝ հաջորդ հերթում ներառված այլ գույք:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն՝ երկրորդ և յուրաքանչյուր հերթական աճուրդից հետո լուրը չվաճառվելու դեպքում պահանջատերը աճուրդի ավարտից հետո՝ երկու աշխատանքային օրվա ընթացքում, իրավունք ունի պահանջի դիմաց այն ընդունելու այդ աճուրդի մեկնարկային գնով: Հայաստանի Հանրապետության անունից հանդես եկող պետական մարմիններն իրավունք ունեն պահանջի դիմաց ընդունելու լուրը, եթե նրանք ունեն նման լիազորություն: Պահանջի դիմաց գույք ընդունելու լիազորություն ունեցող պետական մարմինների ցանկը սահմանում է Հայաստանի Հանրապետության կառավարությունը: Պահանջատերը պահանջի դիմաց լուրը իրեն հանձնելու վերաբերյալ գրավոր պահանջ կարող է ներկայացնել ծառայություն մինչև չկայացած աճուրդից հետո երկրորդ աշխատանքային օրվա ավարտը:

Գույքը պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի հանձնման կապակցությամբ հարկեր վճարելու պարտականություն առաջանալու դեպքում՝ նաև դրա կատարումը հավաստող փաստաթղթերը ներկայացնելուց հետո:

